

中華郵政總局特准掛號認爲新聞紙類
中華民國十一年十月三十一日出版

京北公報

第二百零七期

星期二

京兆公報第二百零七期目錄

命 令

大總統令

本公署公報

各 中 校

訓令四存中學准教育部咨各專門以上畢業生呈請更正姓名年齡
甲種農校

一律廢止以昭慎重合行令仰該校遵照辦理文

訓令大興等十五縣知事准省議會咨擬於十月二十日舉行常年會

請依法召集屆期開會議決省區緊要事件合亟令仰該縣查照通

知籍議員知照文(附清單)

訓令第一養路局准警察廳函送九月分新增汽車表文(附新增汽

車表)

訓令二十縣知事奉內務部訓令據中華全國道路建設協會呈繪全

國汽車道路草圖請通咨各省長官協力合作文(附抄原呈)

指令霸縣知事呈據區董宋蘭朋等呈邑紳馮樹銓毀家紓難冒險保

民公懇優獎等情可否呈請准予優獎文

批裴啟賢等呈一件

批張廷瑞等呈一件

批朱秉鈞呈一件

批李葆森呈一件

批馬夢麟等呈一件

批魏尼音布呈一件

批邢維周呈一件

批張秀峯呈一件

批榮坤呈一件

批王魯泉等呈一件

批張連等呈一件

＊ 命 令 ＊

大總統令 十月十二日

茲制定額濟納補選參議院議員日期令公布之此令

額濟納參議院議員之補選於民國十一年十月十二日舉行

大總統令 十月十三日

特派薩鎮冰會辦福建軍務此令

唐繼堯陸榮廷均特頒給匾額一方以昭殊績此令

據陝西省長劉鎮華呈考核屬吏分別舉劾等語署蒲城縣知事趙本蔭久膺民社砥礪清勤署安康縣知事路世林理繁治劇所至有聲署朝邑縣知事賈毓鵬緝匪辦團民懷吏畏均著俟薦任職期滿後以簡任職存記升用署藍田縣知事李惟人質地淳樸堅忍耐勞代理臨潼縣知事鄧長耀清白持躬體用兼備均著晉給四等嘉禾章署定邊縣知事王祖斌忠厚宅心政無苛擾代理醴泉縣知事朱秉一叶和軍民才堪肆應署榆林縣知事蔣鎮南政平訟理諳練精詳署鄜縣知事王存綬抑強扶弱饒有幹才署膚施縣知事張驥生聚教訓富庶可期署安定縣知事吳錫珍撫輯懷柔羣情愛戴均著晉給五等嘉禾章代理長安縣知事袁棟爲守兼優堪膺繁劇代理商縣知事張澐博愛居心寧靜致遠署邠縣知事帥濟生支柱危城盡心職守署永壽縣知事王謙柄守法蹈規安靜之吏代理洋縣知事吳德槐膺難不驚瘁心民社代理略陽縣知事吳孟貞躁釋矜平輿情允洽署漢陰縣知事賈鴻誼治理勤求不辭勞怨代理靖邊縣知事任知五老成練達民賴以安代

命 令

一

理米脂縣知事宋經裕愷惻慈祥粹然儒吏署洛川縣知事王異堂籌支供億應付有方署護縣知事張鑄聽斷才長案無留贖均著給予六等嘉禾章署潼關縣知事馮繩武職任衝繁條理精密著晉給七等嘉禾章代理隴縣知事海靖精明幹練舉措咸宜署韓城縣知事劉錫珍才具開展庶政不弛署柘邑縣知事張圯則秉性安詳廉潔自守署洵陽縣知事楚功著年富力強實心任事署白河縣知事李榮慶久司民牧勤慎可風署中部縣知事徐瑞麟謹飭持躬冰淵知凜代理商南縣知事于蘭臺愷悌無華光輝篤實代理宜川縣知事李鴻鈞夙嫻治具克著勤勞代理延川縣知事周子蓮平恕愛民力求上理署長安縣草灘鎮縣佐程懋德勤慎從公代理鳳縣三岔驛縣佐樊福星樸誠可恃代理臨潼縣關山鎮縣佐欒銳東修自好均著傳令嘉獎卸署扶風縣知事賈又新漠視賑款致被劫擄卸代郿縣知事董清濂秉性貪污被控有據分省知事關彭蘇查案營私人言嘖嘖均著交文官高等懲戒委員會依法懲戒並交內務部查照此令

暫行代理部務司法次長石志泉呈湖北蕪水縣監犯李致祥被劫不逃悔有據擬請宣告減刑等語奉大總統依照約法第四十條宣告將原判二等有期徒刑五年之李致祥減為四等有期徒刑二年六個月以昭激勸此令

大總統令 十月十四日

前國務總理勳一位伍廷芳操行純潔器識宏通早年留學英國洊持使節民國肇興百度草創當時主持大計奠安國本胥賴籌策卓著勳勤民國六年出任端揆本大總統夙契微猷正深倚畀不意事變驟致乖離自後過赴南方殫心護法躬犯艱阻大節不撓迨茲薄海望治兵氣漸銷方思迴我元功弼成新治而天不憐遺

遽先淪逝志業未竟音塵已徂今昔追維曷禁感慟伍廷芳著特給治喪費一萬圓生平事蹟宣付國史立傳並交國務院從優議卹用示篤念耆勳之至意此令

特任于右任爲任威將軍此令

大總統令 十月十五日

特任薩鎮冰爲福建省長此令

任命許鍾璐爲山東政務廳廳長此令

任命常壽宸爲山東財政廳廳長此令

署教育總長湯爾和呈請將山東教育廳廳長謝學霖免去本職謝學霖准免本職此令

任命孫丹楛爲山東教育廳廳長此令

派章祐爲隴秦豫海鐵路會辦此令

大總統令 十月十八日

任命溫雄飛爲政治善後討論會秘書長此令

大總統令 十月十九日

特任潘矩楹爲矩威將軍此令

特任李根源爲雲威將軍此令

任命岳兆麟署贛東鎮守使此令

派劉玉珂幫辦浦口商埠事宜此令

任命王學曾爲安徽菸酒事務局局長此令

調任李杭文署安徽高等審判廳廳長此令

大總統令十月二十日

任命劉統漳爲綏遠都統署審判處處長此令

大總統令十月二十一日

特任朱泮藻爲撫威將軍此令

任命梁宓署國務院秘書長此令

據江蘇省長呈考核各縣知事分別舉劾等語試署沛縣知事于書雲廉明仁勇輿論夙孚試署上海縣知事沈寶昌體用兼賅才堪大任均著傳令嘉獎試署贛榆縣知事王佐良文武兼資海隅保障應准以簡任職存記升用試署淮陰縣調署南通縣知事瞿鴻賓心細才長勤求民隱試署無錫縣知事趙汝梅學道愛人才勝繁劇均准俟任職期滿後呈保升用正任泗陽縣知事藍光策才兼文武足寄干城著晉給三等嘉禾章署鹽城縣知事趙邦彥剛正廉明循聲卓越署宿遷縣知事徐維新精強幹練膽識俱優均著晉給四等嘉禾章署吳江縣知事周燾爲守兼優治尙體要署金壇縣知事翁燕翼沈毅明決百廢俱興均著給予五等嘉禾章前邳縣知事李時亮苛罰違法被控有案前署埠寧縣知事郭文徹執法殃民操守難信前署鹽城縣知事唐慎坊擅作威福浮收有據前署崇明縣知事林韶榮庸闇無能用人失檢前署漣水縣知事陳公錦聽斷不明罔

識治體前署嘉定縣知事林懃植辦事失當罰款不明均著交文官高等懲戒委員會依法懲戒餘如所擬辦理交內務司法兩部查照此令

茲制定新疆第八覆選區補選眾議院議員日期令公布之此令

教令第二十二號

新疆第八覆選區眾議院議員之補選於民國十一年十一月十日舉行

本公署公牘

訓令

各中學校
四存中學
兩師範學校
甲種農校

准教育部咨各專門以上畢業生呈請更正姓名年齡一律廢止以昭慎重

合行令仰該校遵照辦理文十月十六日

案准教育部咨開案查專門以上各學校畢業生及在學學生更改姓名年齡前經本部嚴定辦法通告在案原欲於變通之中仍寓限制之意乃近年以來各省區專門以上學校畢業生及在學學生請求更改姓名年齡者日夥如不早為廢止流弊滋多殊非慎重資格之道在該生等如果名犯祖諱於未入專門學校以前本不難查覺早為更改且吾人命名之字有限而世系之傳遞無窮二名不偏諱古有明訓年代久遠原不必曲為避諱致滋附會至於年齡豈有錯誤之理要求更正推其弊原無非借用他人證書取得資格之後然後請求更正本部對於此項弊病業經發現數起應自本部此次通行之後凡各專門以上學校畢業生及在學學生呈請更正姓名年齡一律廢止以昭慎重等因到署合行令仰該校遵照辦理此令

公 牘

五

訓令大興等十五縣知事准省議會咨擬於十月二十日舉行常年會請依法召集屆期

開會議決省區緊要事件合亟令仰該縣查照通知籍隸議員知照文十月十六日

案准順直省議會咨開查省議會暫行法第二十二條內載常年會每年一次由省行政長官召集之等語現擬於十月二十日舉行常會議決依省會法第二十二條之規定咨請召集除分咨外相應咨請貴京兆尹查照希即依法召集以便屆期開會議決各省區緊要事件等因准此除分行外合亟令行該知事仰即查照通知籍隸該縣之議員知照毋延切切此令 附清單

第三屆省議會議員

第一區

- | | | | |
|---------|---------|---------|---------|
| 張萬祥宛平縣人 | 李 堪宛平縣人 | 張萬芳寶坻縣人 | 劉濬清寶坻縣人 |
| 何維嶽寶坻縣人 | 傅振元武清縣人 | 馬遇炎通 縣人 | 白常文大興縣人 |
| 趙廣謙大興縣人 | 申廣義大興縣人 | 張仲澹涿 縣人 | 星增祿固安縣人 |
| 萬啟堃固安縣人 | 張律生霸 縣人 | 馮孝光霸 縣人 | 黃 瑞安次縣人 |
| 何瑞洪三河縣人 | 榮植芹三河縣人 | 趙允協永清縣人 | 吳由庚昌平縣人 |
| 段茂森房山縣人 | 趙夢松順義縣人 | 王石卿薊 縣人 | 孫 卿薊 縣人 |

訓令第一養路局准警察廳函送九月分新增汽車表文十月二十日

本月十六日准京師警察廳函稱查八月份汽車登記表業經函達在案茲將九月份新增各號汽車續列清

表備函送請查照等因准此查八月份汽車登記表前已令發該局備查在案茲准前因合行照抄清表令發該局存查此令

附新增汽車表

九月份新增汽車表

車牌及車照號數	姓名	籍貫	職業	業主	住區域地	點門牌	址	備考
一〇九五	華威銀行				外右一	掌扇胡同	二二	
一〇九六	張宗翰		兩湖巡閱使署駐		內右二	興盛胡同	二七	
一〇九七	金文濬		京軍需處長		內右二	南沈窰子胡同	六	
一〇九八	童蒙求		明華銀行經理		內左二	千面胡同	八五	
一〇九九	蘇聯海		水電燈局甫長		內右四	武王侯胡同	十五	
一一〇〇	鄂葛嶺	德人	德華銀行經理		內左一	霞公府		
一一〇一	譚唐	美人	學界			清華學校		
一一〇二	張慶桂		賦閑		內左一	長安飯店		
一一〇三	張伯烈		衆議院副議長		內右二	扁担胡同		
一一〇四	交通銀行				外右一	西河沿		
一一〇五	馬業		北京飯店總辦		內左一	北京飯店		

公 職

公 牘

八

一一〇六	李鑾鑾	交通部當差	內右一	大同公廨	十二
一一〇七	中國汽車行		內左一	北帥府胡同	十二
一一〇八	哈漢章	廉威將軍	內左三	後元恩寺	十
一一〇九	彌勒	德人 西門子洋行經理	內左一	東表背胡同	四三
一一一〇	汪朝甲		外右一	五斗齋	九
一一一一	該號未發				
一一一二	柯甫	英商費克 司公司	內左一	毛家灣	四
一一一三	華茂汽車行		中一	北長安街	三五
一一一四	畢爾森	鹽務署股辦	內左一	大牌坊胡同	二十八
一一一五	全國財政討論委員會		內右一	司法部街	
一一一六	富連瑞隊內城守衛統帶		內左三	東皇城根	四

新增綠色外交團汽車表

六九(綠地白字)英使館界 衛生醫員 韓濟京

訓令二十縣知事奉內務部訓令據中華全國道路建設協會呈繪全國汽車道路草圖

請通告各省長官協力合作文十月二十一日

本月二日奉

內務部第三七三號訓令內開據中華全國道路建設協會會長郭秉文呈稱繪具建設中華全國汽車道路草圖懇請核正備案并通咨全國各省區軍民長官轉令所屬各機關積極提倡佈告國民協力合作等情到部查該會所擬修築道路草圖以甘肅蘭州爲中心點修築經路四綫緯路五綫於修築國道計畫尙可藉資參考除分別咨行外合行鈔錄原呈并該會呈送草圖一份令仰該尹查照此令等因附抄呈一件圖一件到署除分行外合行抄錄原呈及草圖令仰該知事查照辦理此令 附抄原呈

呈爲繪具建設中華全國汽車道路草圖請予備案事竊本會自注册成立以來進行大要迭經遵批呈報鈞部仰荷咨行各省轉令各縣一律提倡在案茲值全國一致主張化兵爲工裁兵築路之時正本會發憤有爲努力進行之日願欲貫通全國道路必先破除陋習管見統籌全局測繪經緯路綫草創道路圖說務求脈絡相連經緯分明昭示國人深印腦海孰爲康莊孰爲崎嶇觸目動心利害顯然兼以提倡鼓勵勸導督促期望本會最初推測草擬之圖成爲將來蕩平寬廣之路目前蒙藏甘新荒僻不毛之地一旦道路貫通不難變爲繁華富庶之區而東南無地可容無田可耕之顛連困苦與少壯無業者亦不難以最短時間而往蒙藏甘新力圖發展爲農者有地可種爲工者有物可造爲商者有利可圖移民實邊鞏固國防發展經濟振興實業擴充教育普及文化立國諸善政均基於此若無遠慮深謀長久安常守舊雖再閱數百千年而欲以最短時期使人與貨均能通行全國互相交換物質與智識融化感情與習慣統一言語與風俗未之有也今則名爲五族共和實則各爲風氣數千年來南北畛域難泯時有戰爭者原因雖雜寔多由交通阻隔有以致之南北土著數十百代老死不相往來寔際上欲求統一不亦難乎本會有鑒於此破除成

見順應世潮以爲欲新中國必先革新道路欲先改造道路必先計畫經緯路線如何能始貫通全國是以不揣冒昧草創建設中華全國汽車道路草圖自南而北經滇川甘蒙各省區建築五丈寬以上之石子道路長約五千五百三十華里每一時車行六十華里(二十英里)四日以內即可由滇達蒙此爲貫通南北第一經綫之國道又自東而西經魯直豫晉陝甘青海新疆各省區長約六千九百五十里五日以內即可由魯達新此爲貫通東西第二經綫之國道又自東南隅經粵贛湘鄂川陝甘新各省區而達西北隅長約七千七百九十里五日內外即可由汕頭而至伊犁爲第三經綫之國道又自東北隅經黑奉直晉陝甘青海西藏各省區而達西南隅亦於五日內外即可由愛琿至亞東爲第四經綫之國道而甘肅蘭州寔爲貫通全國四大經綫之中心交點即由距離交點不遠之西甯起點環繞交點一週經武威甯夏平涼天水各縣仍至西甯而止建築五丈寬以上之國道長約二千七百五十里爲第一緯路路線又距第一緯路路線離西甯不遠之酒泉起點環繞榆林延長大荔潼關西安洋縣南鄭沔縣閬中成都雅安理化巴安各縣仍至酒泉而止長約七千零八十里爲第二緯路路線又漸遠爲第三第四第五各緯路路線惟第五緯線係環繞我國國界一週路線極長經費最鉅路若造成不但可免歷來被外人侵越佔領國土之弊(爲此連俄境與朝鮮安南緬甸印度等處之國防邊地迭被侵佔之類是)寔足鞏固國防較駐數百萬國防勁旅而有餘有此國防大道兵民往來巡視最周最密國際通商進出貨物最易最便某某等國雖有野心既有國道事實又有國際公理亦無由而得再逞蠶食之謀誠一舉而萬善俱備矣綜核上述經緯各國道擬修最簡便最適用之石子路以疾馳汽車平均每英里約需銀三千兩(除江河湖泊用船代運外其餘山洞橋

梁均括在內)除由龍州至江門一段籌畫待修之軍路不計外共計四經五緯路線約十萬六千九百五十華里應需銀一億零六百九十五萬兩今特先具草創規模呈懇

鈞部核正通咨全國各省區軍民長官轉令所屬文武各機關積極提倡佈告國民協力合作毋迷信風水而生糾葛毋高抬地價而滋困難須知道路通至何處即是國民幸福發生至於何處實業因而發達文化得以灌輸除數千年之舊習啟億萬世之新機惟交通便利乃能收效觀察東西兩洋史載交通成績彰彰然也本會特以路線草圖開其動機尤懇

鈞部咨商參陸兩部通令所屬國軍分令駐防區段就近實地查勘測繪仿照晉浙兩省軍工築路辦法銳意力行早成事實永留紀念全國道路一但貫通軍人功績不亞神禹流芳百代萬世馨香民國幸甚國民幸甚謹呈

內務部總長

中華全國道路建設協會會長郭秉文

指令霸縣知事呈據區董宋蘭朋等呈邑紳馮樹銓毀家紓難冒險保民公懇優獎等情

可否呈請准予優獎文

十月十六日

據呈已悉查前次該縣地方猝罹兵禍該縣馮紳樹銓等為維持桑梓秩序免遭蹂躪起見邀同本地商民慨墊鉅款設立軍事支應局並躬冒鋒鏑竭力應付卒能化險為夷使人民安堵無恐似此毀家紓難造福鄉邦其風義深堪嘉尙除馮氏家祠捐洋三百元設立紅十字分會以救傷兵應由本公署給予鄉里矜式匾額一

公 牘

十一

公

十二

方交由該知事轉發懸掛以資風示外所有馮紳樹銓並准彙案從優核獎仰即知照此令履歷存

附區額一方

批順義村長裴啓鰲等呈爲李啞叭身死一案實不知情文十月十二日

呈悉已令行該縣知事查核辦理矣仰即知照此批

批通縣村長佐張廷瑞等呈第六區區董出缺請令投票選舉文十月十二日

據呈前區董勾文接充該區副董係召集張灣鎮合鎮紳商暨村長佐人等由該鎮警佐監視公衆推舉此次區董出缺請令縣撥案辦理等情已悉查自治暫行章程其規定遴選區董之職權屬於該管縣知事並不由於地方推舉前區董勾文果係推舉充任舊案已屬不合碍難援照辦理該區董現既退職應靜候縣公署遴員核委以符定章仰即知照毋再瀆陳此批

批朱秉鈞呈爲韓金榜等攔游築堤請飭剷除文十月十二日

據呈已悉查此案前據該村長具呈到署業經函致天津縣知事查照原案令韓金榜等迅將王秦莊北所築橫河隄岸剷除矣仰即聽候辦理可也此批

批前香河縣警佐李葆森呈爲被李應芳等誣控各節明係復讐訴陳冤抑請鑒核文十月

十三日

呈悉查此案前據公民李應芳等迭次來署呈訴業經令縣查復核奪在案茲據前情仰候該縣查覆到署再行核辦此批

批馬夢蘭等呈爲租主售租不遵定章欺官壓民增租撤佃懇請免傳文十月十三日
呈悉仰候令行通縣知事查明實情具覆核奪此批

批佛尼音布呈爲證明榮坤買地被李希明控訴奇冤文十月十三日
呈悉已於榮坤呈內批示仰卽知照此批

批邢維周呈爲再陳劣紳劉銅藉端詐財額外斂賦請澈究文十月十三日
呈悉仰候令催固安縣知事從速查明秉公辦理具復核奪此批

批昌平縣人張秀峯呈爲胞兄張景寬被縣役王八頭受賄拘押捏造罪名曹知事被其
朦蔽竟判定十六個月徒刑請依法救濟文十月十三日

據呈已悉案關司法範圍本公署無從提審仰卽逕赴上訴官廳控訴可也此批

批榮坤呈爲前買佛宅地被誣告請令收回傳票將案撤銷文十月十三日

呈悉察核原訴情形是此案在前清時代業經斷結何以現又翻案該民受買地畝是否確係佛尼音布之產
有無一地兩買及欺盜情事仰候令行三河縣知事先行錄案呈復一面秉公辦結具報此批

批王魯泉等呈請宣示控陳鳴鑾人姓名文十月十四日

呈悉查此案前據委員查復其關於該校長之子常同許多同學出入該校一節據稱面詢該校長據稱伊子
名祖蔭現年十四歲係求實中學校肄業生現因暑假回家前在京居校時由本校赴中學上課一出一入均
由學校後行走並不經過校中有校圖可以證明等語是該校長之子名譽業經查明無他應卽安心照常嚮

學合行批示遵照此批

批張連等呈懷柔勸學所長與知事狼狽爲奸請改委文 十月十四日

呈悉查該縣勸學所長樊政和歷經本公署視學員查視報告十年五月內稱精明穩健辦事頗有腕力且能聯絡官紳以策羣力十一月內稱規畫義務教育切實周詳又能上得官廳之倚任下得地方之信仰苦心孤詣督促進行雖嫌怨在所不避洵可謂實心任事者矣本年八月內稱任事多年辦學頗着成績各等語該所長辦事得力疊經本公署嘉獎有案至本年四月該縣知事呈請連任按照勸學所規程暨任國樑提議三年呈請改委或連任之通案均無不合該具呈人所稱各節多有誤會合行批示知照此批